

## Mračna štampa.

Na prvom svečanom sastanku austrijskoga Pijeva društva za širenje dobre štampe izreče poznati govornik o. Viktor Kolb D. I. pietresno slovo o zloj štampi. Među ostalim reče i ovo: „Nema nijednog članka katoličke vjere, o koji se ne će očešati ova lažna štampa; nema sveca u Crkvi, kog ona ne ismijehuje; nema ni jednog običaja, pa bio ne znam kako svet, kome se ona ne će narugati; nema molitve, a da je ona ne mrzi; nema zapovijedi niti ikojeg čudorednog zakona, proti kome se ona ne bori.

»Šta je ovakovoј štampi mučeništvo naših najvećih biskupa i svećenika, kojim su oni postavili temelje našoj kulturi i civilizaciji? Šta su njoj žrtve onih redovnika, koji su nekoć iskrčili i obradili naše zemlje? Šta su njoj napori naših misionara po američkim prašumama i afričkim pustinjama, koje su natapali svojim znojem i krvlju? Šta je njoj do onog tihog, požrtvovnog svećeničkog djelovanja po školama, kod bolesnika i umirućih. Šta je ovoj štampi do junačke samozataje naših milosrdnih sestara kod neizlječivih, kužnih i onih malačkih gubavaca, po bolnicama i bojnim barakama po sirotištima i nahodištima, u tamnicama i popravilištima zapuštenih nesretnika, usred onih, koje svijet zabacuje.

»Šta su ovakovoј štampi ogromne zasluge naše sv. Crkve za znanost, što je sačuvala sve starinsko znanstveno blago, što je zasnovala gotovo sva sveučilišta cijelog svijeta? Šta je njoj stalo do najvećeg procvata svake umjetnosti, koja je nikla na katoličkom tlu? Šta ona mari za sav onaj mir i jedinstvo, koje je Crkva donijela narodima, za sve ono blagostanje, što ga je proizvela, za sve one utjehe, što ih je razlila u milijonima srdaca? Šta su ovoj štampi sve kreposti djevičanstva, vjernosti, poštenja i istinitosti, koje je Crkva ljude naučila? Šta je njoj to sve skupa? — Veliki stalni, uvijek zgodni predmet poruge i psovke, prezira i laži i mržnje i napadanja.

»Njoj je rimski papa „Veliki bonc“; strogi redovi sa svojim pokorama i djelima ljubavi spram bližnjega njoj su „legla lijenosti i bludnosti“; blatom se nabacuju na anđeoski život Bogu posvećenih djevoja; da se zaštiti svećenička čast proti ovoj lažnoj štampi, trebalo je osnovati posebni državni savez; cijelu katoličku Crkvu predstavljaju kao skup beskrajnih ludosti, nemorala i licemjerja. Tko u javnosti bezobzirno ne gazi svaki kršćanski znak, proglašuju ga nepoštenim čovjekom.“

OVAKO orisa veliki govornik pogubni otrov bezvjerske štampe. Očito slijedi iz ovoga, da ako nam je iole stalo do časti i poštovanja naše sv. vjere, ako uopće tražimo istinu i poštenje, mi se moramo dignuti i kao ustuk proti ovome otrovu svim silama potpomagati dobru katoličku štampu. Potpomaganje katoličke štampe najvažnije je djelo našeg vremena. (B. Dür, 176 Zitate über die Presse, Linz 1908).